

محمد حمدى

مش فلسفة

أشعار بالعامية المصرية

طبعة أولى أغسطس 2018

بطاقة الكتاب

عنوان المؤلف : مش فلسفة
المؤلف : محمد حمدي
التصنيف : أشعار
رقم الإيداع : 2018-14290
الترقيم الدولي : 978-977-6656-57-2
عدد الصفحات : 100 صفحة
رقم الإصدار الداخلي: 39 (طبعة أولى أغسطس 2018)
تصميم الغلاف : الشاعر محمد حمدي
الإخراج الفني : الشاعر محمد الساعي

جميع حقوق الطبع والنشر محفوظة للشاعر، ولا يحق لأى دار نشر طبع
ونشر وتوزيع الكتاب إلا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسه الشاعر ناجى عبد المنعم
عام 2017

رخصة مزاولة مهنة: 58365 - سجل تجاري: 2017 / 13242 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
[alnilwaalfourat](https://www.facebook.com/alnilwaalfourat) [alnilwaalfourat@gmail.com](https://www.instagram.com/alnilwaalfourat)
المقر الرئيسي: ج.م.م. محافظة الشرقية - الحاضر من رمضان - مجاورة 13 - أمام سنتر الد-13 - قمار 304

الإهداء

إلى أمي التي شالت حمل فوق الحمل وزياده
إلى أخواتي عماد ، هدى ، رشا عشان حبوني بزياده
إلى كل اللي شجعني ووقف جنبي وخصوصا اختي
الغاليه الشاعره / جهاد زياده
إليكم كل كلمة حب في عروقي
توصل قلبنا نشتاق
إليكم شكر من أول حرف لغتي
لحد الياء

محمد حمدي

أمي

اقول ايه بس مش لاقى
كلام احكيه انا فيكي
انا من حبي مختار
ونفسي بجد لو اعرف
بايه اعوضك وارضيكي
يا أجمل أم ف العالم
وأطيب قلب ف الدنيا
عنيكي أمان لناس رامية
حمولها كلها عليكي
بتدي وتدي ولا عمرك
تقولي مفيش
دفا وحنية لحبايبك
مفيش مرة
ف طول عمري
نحتاجلك ومانلاقتكيش
ولو بعنينا
وعمرنا وروحنا
هنفديكي!
نفديكي

لا يمكن يكثرُوا عليكي
دي حاجة بسيطة
متكفّيش
دا زيك ف الزمان دا بجد
صبح نادر أوي وقليل
نغيب عن حضنك الدافي
قلوبنا تحن إليه وتميل
عشان جواه
حنان وأمان
مالو هش مثيل
يا حب حقيقي
مش موجود
ومنه مفّيش
معاكي وبيكي
وعشانك
انا واخواتي
يا أمي نعيش

مش فسفة

انا قلبي عمره ماكتفى
لامن حنان ولا من دفا
والله دي مش فلسفه
كلامي طالع م الوجع

عالوحدة انا قلبي صبر
لما بقا زي الحجر
خايف لامني ينكسر
بعد اما عاش عمره جدع

أنا يوم ما مُت

أنا يوم ما مت وجه عليا الدور
أنا معترضتش
قولت حاضر
كنت صلب وكنت شاطر
كنت اول حاضر
من اللي سعيهم مشكور
يوم مامت وجه عليا الدور

إيه حصلي

هي دنيا حاجة تانية
جات ف ثانية خدنتي مني
لما تبقا قريبة مني
ببقا طابير م السعادة
ومش بعادة اني اظير
هبقا حد تاني احسن
لو هتقبل تبقا مني
ايه حصلي - بقيت اصلي
وادعي تبقا ليا خير
لما عيني جات عليها
قلبي سابني وراح إليها
ليا حلم معاها نفسي
القا نفسي فيه وبيها
هي ترضا
و م انهاردة
عمري كله وبس ليها

بعيد عنك

لقيت ف البعد عن ضلك
خيال بيقولي ارجعك
باقيلي انتي .. وفاضلك
عيون مشتاقة تسمعك
تشوف بعيونك الاول
انا ميت بعيد عنك
بعيد عنك نسيت انا مين
بعيد عنك .. وعن السامعين



مين يهتم

ضحك الوجع ع .. الجدع

والبعد ما .. قسّاه

غرّه البُعاد ف .. اتخذع

سابه الوطن و .. نساه

طال الوجع قلب الجدع

دمعه انفطرم الهم

الوحدة كسرت ضحكته

بكيت عيونه دم

و بحاله مين مهتم

كل اللي بينه و بين حياته ودنيته شاشة

عالم افتراضي .. ف دنيا بطبعها غشاشة

فيها الأصيل اتذل

والندل عاش باشا

حاله حلوه

انتي اجمل حاجة ممكن
ف الحياه تحصل لحد
انتي حالة حلوة جدا
احلفيلي انك بجد



إيه هايمنع

جائلي

بعد ماقلبي كان خلاص
همه بس انه يموت بهدوء
ابتديت وياها ثاني
افتكر يعني ايه احساس
دق قلبي وقال يلا
دوق الحب بجد دوق
زي مايكون حلم
خافين نصحي منه
يبقا ليه نفوق وليه
ليه البعد عنه
الحكاية بينا عاوزة تبتدي

طب ايه هيمنه
دايما اللي يروح بنعرف قيمته لكن
بيكون خلاص مش ف ايدنا اننا
نقوله يرجع
ايه هيمنع

ديننا

ديننا حلیم وسهل
بس احنا دايم
بنصعبه وبنعقدّه
على غيرنا أو على نفسنا
حتى رجال الدين واخذنها
سبوبة ومنافسة ونفسنه
واللي علينا بيبقا صعب
بنسيبه او نستبعده
ونسيب شيطاننا مننا يقرب
وف العقول وف الضماير
دايم يخرّب
خلونا نبداً من جديد
واللي فات

ننساه

نبدأ بنية قوية واقلوى من الحديد

خلونا نبدأ .. باسم الإله

خسرت فلوسي

مزعلتش على بعدك لكن
كان قصدك عالجرح تدوسي
والجرح اللي ف قلبي انا ساكن
كان سببه اني خسرت فلوسي

كلامك عني

كلامك عني مش حاجة
ولا حتى بيشغلني
كلامك دا دليل انك
غيابك شيء مكملني
فقلولي ف حقي .. ماتقلولي
وعمرك يوم .. ماhtنولي
مرادك إني .. اتأثر
او ارجع احن من تاني
كلامك كله مش .. مسموع
ومش قصة ومش .. موضوع
ومش هشغل دماغي .. خلاص
لأن انتي ولا شاغلاني
ولما ف مرة بالصدفة .. جت سيرتك

حلفت ما حد عنك تاني .. يسألني

كلامك عني مش حاجة

ولا حتى بيشغلني

كلامك دا دليل انك

غيابك شيء مكملي

نضحك

يا مستنينا نضحك لك
وحاطط شرط
ضحكتنا تكون م القلب
نجيب احنا منين ضحكة
ف وسط حياه بقت ماشية
كلها بالسلب

ليه سبتيه ؟

مش انتي حلفتي ماتكوني
ف يوم غير ليه
قوليلنا الوقتي ليه سبتيه
لو كان عالفراق ماشي
ما كل اللي حلف انه يكون موجود
وقال ياما ف كلام ووعود
مسيره ف يوم يكون ماشي
فلو كان عالفراق ماشي
لكن ايه لزومه -- تيجي عليه
وليه تجيبي الغلط فيه .. ليه؟
مكانلوش لازمة م الاول
تقولي وتحلفي انك
ماهتكوني ف يوم غير ليه
قوليلنا الوقتي
ليه سبتيه

يا سهرانين

يا سهرانين الليل
ف حنين لناس راحوا
ارحموا عيونكوا وجايز
تهدوا ؤترتاحوا
ليه بس بتدمعوا
على ناس خلاص ودعوا
لا دموعكوا يوم هاتفيد
ولا هما راح يرجعوا
كفاياكوا فكر وويل
يا سهرانين الليل

لسه حي

شايفني لسه حي
وانا مت وبعاني
وجعي اللي ماله زي
خلاني افوق تاني
عشمان يكون الجي
فيه حاجة علشاني

درا عينك

دفايا بجد حسيته

ف درا عينك

بقولها وانتى سامعاني

دا من غيرك

انا بعاني

داريني بعيد عن العالم

وخبيني ف درا عينك

دفايا بجد حسيته

ف درا عينك

علاجي

لا عيني بالغرام راضية
ولا روعي من الهموم فاضية
ولا قلبي هيتحمل
وجع الوداع ثاني
علاجي
اني ابقى وحداني

تيجي نبدأ

تيجي نبدأ
نبدأ م الاول
صفحة جديدة اكتبها معاك
ولا يوم احساسك يتحول
ولا يوم اتغير وياكي
تيجي نبدأ
نبدأ م الاول
دا قلبي بينبض بلقاكي

الوجع فاني

كان حلم وجنا عليا
ولا كنت يوم جاني
انا شوفته مرة زمان
ومن الشيطان جاني
فجأة صحيت على صوت
كان حلو ف وداني
صوت النداء للفجر
هو اللي نجاني
وكأنه زي ملاك
خدني ووداني
ذكر الاله والنبي
دا علاج .. ومجاني

صلوا عليه وسلموا

والكريم سلموا

ومهما تتألموا

لا بد تتعلموا

ان الوجد فاني

ممنوع حضورك

ممنوع حضورك

مش هسمعك

محرومة من حق الدفاع

ولو جبتي محامين البلد

القصة بس انهم

هيقلبوكي ف الفلوس

وتعاني بس من الصداع

اما انا

أصدرت حكمي خلاص عليكي

ونهايي واجب النفاذ

جوة حضني انا هحبسك

واكتب عليكي

ثم

هكتب عليك

ملكية خاصة لحد اتمام الجواز

شوفتك مع غيري

شوفتك مع غيري
ومشكلتي معاك
كانت إنك
عمال على بطل .. بتغيري
عندك اتاريها الدنيا دي ..
سهلة وعادي
عايشاها .. بيا ومنغيري

..

شوفتك .. مع غيري
والفكرة خلاص من دلوقتي
خرجت من قلبي وتفكيرى

..

شوفتك مع غيري

فأشوووش

من بعد ما طلعوا
فأشوش ف فأشوش
جايين من تاني يحكّوها
ويعيدوا القصة ويحكّوها
والله صحيح ما بينكسفوش
من بعد ما طلعوا
فأشوش ف فأشوش

كان طبيعي

كان طبيعي بعد غدرك
لعد بعدك بعد هجرك
واللي شوفته من قساكي
اني اسيبك
واني ارفض اكون حبيبك
واني من قلبي اقولك
ان قلبي خلاص نساكي
لحد امتى عاوزة اللي اشتراكي
يبقا عادي معاه ف يوم انك
تبيعي
كان طبيعي

أستنى ليه ؟

ع الصبح ماشي وحاسس

اني مش كامل

في حد كان موجود

لكن خلاص مابقاش

أحن ولا محنش ولا

أعمل اني مش عامل

كأن عادي وكأني

ماتبعتش امبارح ببلاش

..

استنى ليه

لو هو ما استناش

حاولت

حاولت كثير لكني

لقيت مليون دليل

مش ممكن

غصب عني

اللاقي ف يوم بديل

ومهما تغيب عني

نسيانك

مستحيل

وكتير بيقولوا انسى

هاتلاقي غيرها ثاني

لكن لو قلبي يقسى

عمره ماهايكون اناني

ماقدرش افرح ف يوم
لو انتي مش معايا
يا زمان ماقدرش الوم
لكن ارجوك
كفاية

مش فاهم

مش فاهم

امتی ولیه وازای

مش رایح ای مکان ولا جای

مش عاوز اکمل مش قادر

ف زمان

عامل فیها نسای

لا فاکر نی

ولا حتی سامعنی

بندهله

وهو یودعنی

افتح احضانی لاحلامی

واحلامی

او هام توجعنی

حتى إنتِ

حتى انت
حتى انت طلعتي
بتخوني
وطلعتي كدابة كمان
وانا اللي فاكرك
هاتكوني
صدق وعفه وامان
لابسه حجاب
طب على ايه
وفي شنطتك
المصحف ليه
وتقولي لأه

كلام الناس
طب وكلام ربنا دا عندك
يطلع ايه
مادام شايله
اعمل بيه
انتي بجد مالِکش امان
شككتيني ف نفسي كمان
فهمتيني غلطي بجد
وان الدنيا
بالنسبالك زي المسرح
وانا مش عارف اكون فنان

هما يومين

هما يومين

لكن حس القلب بفرحة

تعيش جواه لسنين وسنين

هما يومين

لكن عشت انا فيهم دنيا

شوفت اساسها امان وحنين

هما يومين

وسط طريقي

قابلت ملاك

تعبت زي

ف دنيا هلاك

نستني اللي عشته

زمان
قبلها وخذتني هناك
في دنيا اصلها ومنها
اعيشها ليها وعلشانها
انا بايع
كل شيء علشانها
والله قلبي عليها امين

مستتي

وفجأة حسيت وكأني

بقالي كتير

بلف وادور

اغيب واطير

واعدي بحور

عشان في نهاية مكتوبة

مكنتش يوم احلم بيها

وفرحة بدنيا اعيش فيها

وبنت خدنتي من العالم

ومن روعي

وخلتني

بقت اقرب ياناس ليا

كمان مني
وخلتني
فجأة حسيت وكأني
بقالي كثير
عشانها صابر ومتحمل
ومستني

حبیتھا

حبیتھا انا

وبقت کل شيء لیا

حبیتھا انا

وعایشه ف قلبی وعینا

حبیبتی وصاحبتی وبنتی

وکمان امی

دی اقرب لیا من روحی

وساکنه وریدی و ف دمی

دی حلمی وحبی و منایا

دی مش عایشه هنا معایا

فی قلبی عایشه مش فی

حبیبتی انا

وبقت کل شيء لیا

هدية

طول ما قلبي النبض فيه
انتي ساكنة وعائشة فيه
وعمري كله لحد اخره

هدية

وياريت تقبلية
مش كتير عليكي اني
ابقا عايش
بيكي ليكي انتي
وعشانك

واوهبك قلبي وعمري
مش هايبقا غصب عني
لا دا بالعكس اقبلهم
ويبقا كتير كمان عليا
دانتي حلم بعيش عليه

..

طول ما قلبي النبض فيه

قلبي رجعلي

انا قلبي كان اعمى وشاف
ايوة كان ميت خلاص
والوقتي حس وخاف
بقى عنده حد
يخاف عليه
بقا عنده حد يحس بيه
بقا عنده حد يعيش عشانه
ويحبه بجد
يستاهل انه يبيع
الدنيا ويشتريه
بعد مالف
وبعد ماطاف
وبعد ماكان
ميت اعمى
قلبي رجعلي
دق شاف

لسه فاكِر

لسه فاكِر

لما اول مرة اتقابلنا

ولما شفتك

ولما اول مرة

لمست ايدك بالغلط

واما كتفتك

لسه فاكِر

اول كل حاجة بينا

حاجة محفورة في خيالي

ذكريات دايمًا في بالي

الدنيا لو نسيته اسمي

استحالة تنسيهالي

او تمحي صورتك

لسه فاكر
لما اول مرة اتقابلنا
ولما شوفتك

نفسي أشوفك

نفسي اشوفك
وماتغيبيش يوم عن عيني
نفسي اقولها وتسمعيني
وحشتيني
والدنيا ملامحها اتغيرت
من بعد مابعدتي عني
وبعد ماسبتيني
كل شيء حواليا
وكل حاجة فيا
بيسالوني عليك
الاماكن والبيوت
والكلام

حتى السكوت
مالوش طعم
الا بيكي
انتي ليه عن قلبي
غبتي
وباختيارك
ليه بعدتي
دا ف غيابك
تاه دليلي
و توھت بعدك
وتعبني بعدك
ارجعيلي.....

قرار

قرار خدته
انا عاوزك
لكني بخاف
من الصدمات
ومن خيبته
ضعيف قلبي
ف حبك طب
مني ومات
حكمتي بحبسي
مع حبي
ونفذ الحكم
واعمل ايه

وبحلفك
برحمة قلبي
مفيش أصعب
من اللي انا فيه
أنا عاوزك

ناسيه نفسك

ناسية نفسك

وانك انتي

عندي شيء

فاضي ومفيش

بس ازاي

عقلك هيا لك

اني ممكن

ليكي اعيش

روحي شوفي

غيري يمكن

يرضى انه

يعيش معاكي

دَنِيَّتْكَ
عِشَانْكَ اَنْتِي
وَبِشْرُوطْكَ
وَبِرِضَاكِ
نَسِّي قَلْبْكَ اِسْمِي
وَاحْلُفِيْلَه
اَنه عِنْدِي
مَایَسَاوِیْشْ
نَاسِيَه نَفْسْكَ
وَإِنَّكَ اَنْتِي
عِنْدِي شَيْءٌ
فَاضِي وَمَفِیْشْ

إرجعي

لحياتك وطبيعتك

بطلتي تمثيل

افصلي

بين دورك ف القصة

ابو وش جميل

ارجعي

من ثاني ورا الكواليس

شوفي صحابك

عيشي حياتك

افتحي بابك

الغالي

مسيره بيبقا رخيص

ماتيجي

ماتيجي نبتدي دنيا
تكون غير ال عايشينها
ونرسمها بعيون تانية
بأحلامنا اللي شايفنها
انا ليكي
وعمري الجي
هشوفه بقلبي و عنكي
بقيتي طموح ملازمني
وفين ما بروح مقاسمني
ف نبضي ونفسي وحياتي
انا يوماتي
بصبر قلبي وبقوله

حبيبك والله ف الدنيا
ماهناقي ف جمال عينها
ماتيجي
نبتدي دنيا
تكون
غير ال عايشينها

بُكْرَه

تيجي بكرة تكوني ليا
ونبقا أد المسؤولية
يلا بينا .. وهابقا سندك
يلا اسيب الكون بحاله
وابقا ليكي
وقلبي اجيبه لحد عندك
نفسى فعلا تبقي ليا
ياللي مالياي عنيا
ويوم عليكي
اما باقي العمر كله
يكون عليا
حضني بيكي يبقا بيت

اسكنيه وهيبقا عامر
ملك ليكي خلاص بثيت
احلمي
وحلمك أوامر
بس بكرة..
تبقى ليا

لو سألوكي

قوليلهم عني

لو سألوكي

دا باع الدنيا علشاني

و لما يقولوا

دا نسيكي

قوليلهم قلبه عنواني

لا يقدر يوم

يغيب عني

ف عز سكوتي

يسمعني

ولا يوم عني يستغنى

وعنه الكون

مايمنعني

قولولي ازاي
دا ينساني
قوليلهم عني لو سالوكي
دا باع الدنيا علشاني

ما تبعديش

كل ما أقسى عليكي
ارجع احن تاني وافوق
وافتكر انك كنتي زمان
بالنسبة ليا نجمة عالية لفوق
انا بوعدك
اني لغيرك
عمري يوم ما هاعيش
بس او عديني
تكوني جنبي
ما تبعديش

إخسرهم

لو خايف انك تخسرهم

اخسرهم

علشان متخافش

العمر بيجري مايتشافش

...

لو خايف انك تخسرهم

اخسرهم

وماتتألمش

اخسرهم

...

بس ماتظلمش

بِتَحْصِلْ

بِتَحْصِلْ

عادي والله

ويا ما قبلنا اتخاتوا

ويا ما وعود

ف عز الحب واللهفة

اوام اتنسيوا

وكمان هاتوا

ف محدش فينا يتفاجيء

لما يلقي حد غيره

خد مكانه

بِتَحْصِلْ

عادي والله

ويا ما قبلنا اتخاتوا

الفيلم خلص

بفتكر لو يوم عديتي

ف الذكرى

.. او جيتي ف بالي

مشهد من فيلم قديمه شوفته

وعجبني

.. ف علق ف خيالي

بفتكر ..

لكن على فكرة

الفيلم خلص

بالنسبالي

كلمه حلوه

اللي فرحة قلبه لمّا
يشوف حبايبه فرحانين
واللي كل رضاه ف لّمه
ويا أهله الطيبين
اللي عاش عمره يعاني
وداق مرار الدنيا دي
بكل المعاني
ببيقا راضي
بكلمة حلوة
ولا نظره حنينة
بتنسي قلبه مرار سنين
اللي فرحة قلبه لمّا
يشوف حبايبه فرحانين

أنا بعدك

أنا بعدك

بقيت روعي عن الأول

شويتين مادية

وعندية

بقيت باخذ كل حاجة بتحسلي بجدية

بقيت باجي على نفسي واحاسبها

وقبل ما باخذ أي خطوة وامشيها

بحسبها

بقيت قليل أوي لو مرة على غيري

بقيت

بحاول اعوض شوية من اللي فات مني

وعادي لو لقيت احساسني منغير محاس

مات مني

ودا اڪمني
زمان فگرت ان انا منك
ومن يومها وانا بعاني
رجعت لروحي من تاني
وبقيت مني

مش محسوبة

سامحيني يا نفسي
وبزيادة عليا تقسي
واهي مرّة من نفسي
وخلص والله توبة

..

كلامها برفقته
خدني
وغبائي كالعادة
سندني
ملهّاش مكان ثاني
فحُضني
كانت خطوة مش محسوبة

حياه مزيفه

مكانش قاصد يبقا جد

من البدايه

وكل الحكايه

إنه وكالعادة

حبيب يجرب

ف أوام يقرب

يلعب شويه

يسهر شويه

يخدع شويه

ويادوب شويه

وزي ماتعود

على الحياه المزيفه

آسف حبيبتي والوداع

وانا هعمل ايه

م الفقر ايدي متكتفة

حظك كدا..

واهي دي الظروف

انا بُعدي عنك سببه خوف

من الجاي

سامحيني .. باي

وسلام سلام

واوام اوام

نلقا الاعادة

واللعب عادة

والقلب جاهل

لأي معنى للسعادة

عايش وبس

عشان يعيش

خدلك فكره

قرب قرب

خش وقرب

حب وجرب

انا قلبي من كتر المحبة

إتعلم يكره

ماتخدلك م الصدمات حبة

او خدلك فكرة

وادامك حل من الاتنين

يا تكمل عمرك كله حزين

يانفوخك يضرب

ماتقرب قرب

خش وقرب

حب وجرب

سؤال

سؤال محتاج إجابة عليه

قوليلي القلب بالنسبالك

يطلع ايه

وليه الحب عندك حاجة مادية

ومش محسوسة

ومش بتآمني

غير بحاجات متشافة ملموسة

وليه كل ال حاول يوم يقربك

وساب الدنيا علشانك وقرر انه

يهرب لك

رجع ندمان عشانه كان بقا متخان

وكان بيشوفك الدنيا

وانتي بتشوفيه دخان
هربتي من كلامي ليه
سؤال محتاج إجابة عليه

آخر مره

لو قلبي ف مرة غصبني أحن
بشتاق لمامحك من برة
انا لما بحن ف يوم ليكي
بتمنى تكون آخر مرة
انا كنت معاك قد كلامي
وخليتك اول احلامي
انا شوفت خيانتك اداامي
طعم الايام وياك مرة
يا غرام كان كذب وصدقته
والحلم ياريتني ماحققته
والباقي ف عمري انا لحقته
وكفايا كلام بقا بالمره
لو قلبي ف مرة غصبني أحن

بشتاق لمامحك من برة
انا لما بحن ف يوم ليكي
بتمنى تكون آخر مرة

سيستجيب

صفي نيتك صفي
وادعي ربنا وانت
بتصلي على الحبيب
سيستجيب

خلي خيرك لغيرك
صحي دايمًا ضميرك
ربك فرجه قريب
سيستجيب

متخافش غير من ربك
متبعيش اللي يحبك
ماتآمن الغريب
سيستجيب

أملك هيكون ف مين
ربك رحمن رحيم
واسمه وصفته المجيب
سيستجيب



صندوق أحلامي

هاجمع احلامي في صندوق
واكتب ممنوع التصوير
وهابطه بأيدي قصاد عيني
يمكن يحصل يوم تغيير
جايز اصحى ف يوم م النوم
واشوف حلم ف مرة حلمته
اصبح واقع فعلي محتوم
دانا قلبي وجعني
وانا وجعته

ربع جنیه

ومین فینا لو فتحنا محفظته
ما هنلاقي فيها ربع جنیه..
بقاله سنين وما صرفهوش..
عشان فيه حد بالتحديد
كاتبله عليه..
وعدا الوقت دا كله!
لكنه لسه مانسيوش

خبر موت

بقينا نشوف خبر موت حد

فنتأثر

وندعيه بالرحمه وثباته

ومين يضمن يكون بكرة

من ال بيقروا ف الاخبار

..

وميكونش الخبر ذاته

معنى المحبة

اللي سهل عليه انه ينسى
حد كان روحه و حبيبه
واللي يعرف قلبه يقسى
ويقدر انه ف يوم يسيبه
دا مالوش غيروصف واحد
انه خاين قلبه جاحد
والضمير منه اختفي
ولو رجعله ضميره تاني
واحتاج لحد يعلمه
معنى المحبة و الوفا
الكلاب قدامه ياما
يختارله واحد
بس برضه خاين وجاحد

هاوجعك

بإرادتي قررت الوداع

فبودعك

ووعد مني عمري ثاني

مارجعك

زمان رفضتي حتى انك

تسمعينني

وانا كنت بحلم أسمعك

وضعفي ادامك كان ليكي بس يشدني

صوت الوجع فيكي معادش يهزني

..

وانا هو جعك

جاي أسأل

قوليلي لفين
هتاخديني
ورغم غيابك
واقف مستني على بابك
معاي برغم فرقنا
وجاي اسأل
لفين ناوية توديني
طب الاولى يا روي
لروي .. رديني
وللسكة اللي انتي اخرها
دليني
وحشتيني

مشروع شهيد

كام عزيز النفس فاضل
كام محارب كام مناضل
ردوا يا سادة وافاضل
ولا عادي .. ايه يفيد
كلنا
مشروع شهيد

برئ

بريء وكل البشر
يادنيا تاهمني
بريء وعقل ضاع
خلاص وتاه مني
بريء وكل جروح
كثير وآمني
وياما قلبي نصحني
وياما كلمني
قاللي الهوى غدار
وليله ماله نهار
قاللي عليه قاسي
وعلى بره مش راسي
وان رحت يوم ناسي
روحي تروح مني

خَلِيَّة

يا عين كفايه بكى
دمعك يا عين بقى نار
تفيد بايه الدموع
لو تبكي ليل ونهار
إقسي خلاص وانسيه
خيرنا مطمرش فيه
خليه خلاص خليه
وماتخلنيش انهار
هو هناك في النور
وانا ليلي ماله نهار

مستكترينها

مستكترينها ليه

تبقا ف يوم ليا

مستكسرينها ليه

دي فرحتي هي

من لهفتي وحيي

راح عندها قلبي

و روعي و عنيا

مستكترينها ليه

تبقا ف يوم ليا

قريب غريب

قريب غريب

كله حالف يوم يهدك

وان حد شافك

يوم ف خير

اوام يشدك

من بعد ربك

انسى حد يحس بيك

و ف شدتك

ان يوم دموعك غلبتك

امسحها قبل ماحد يلمحها

ف خدك

قريب غريب

كله حالف يوم يهدك

كنتي مني

الجدير بالذكر إنك
كنتي مني وكنت منك
وابتعدنا
بسببك انتي
بس برضه عليا عمرك
يوم ماهونتي

يادوب تتلف

الى الولد اللي كان بيحب بنوته
ماتستاهلش انها تتحط ولو ع الرف
وبعد ماعاش وياها احلى حدوته
لقاها سيجارة
اخرها يدوب تتلف

عنيكي كفايه

معقول في عيون ف الكون

بجمال دي عيون

تنفع كبداية لأحلى حكاية

وأحلى مافيه مالياها نهاية

ربنا يحميكي

ويحمي عنيكي

لفين ماتكون

داللي تحبيه

دا هيحلم ليه

ما عنيكي كفاية

عالم افتراضي

ضحك الوجع ع الجدع

والبعد ما اقساه

غره البعاد ف اتخدع

سابه الوطن ونساه

كل اللي بينه وبين

دنيته شاشه

ف عالم افتراضي ف دنيا

بطبعها غشاشة

طال الوجع قلب الجدع

دمعه انفطر م الهم

الوحده كسرت ضحكته

وبكيت عيونه دم

وبحاله مين يهتم

بالراحه

يا دنيا واخدة بالعافية
من حياتنا الراحة
سنين العمر ف مرارنا
خلاص خلصانه
اهي وراحة
بدأتيها بقسوة معانا
ياريت تنهيا
بالراحه

ليلة قدر

برغم الغدر

ورغم ان انتي كنتي ف عمري

ليلة قدر

برغم القسوة

ورغم اني ماتعودتهاش منك

ورغم اني

حلمت كثير اكون منك

عشان جيتي ف عز الضلمة نورتي

كأنك بدر

برغم الغدر

انا عاوزك

لاني لو انا منك

مكنتش اصلا م البداية حبتني
وكان برضه يكون اسهل
لو اني فضلت م الاول
بعيد عنك
برغم الغدر
مش زعلان انا منك

مش كامل

ع الصبح ماشي وحاسس ..

اني مش كامل

في حد كان موجود ..

لكن خلاص مبقاش

أحن ولا محنش ولا ..

أعمل اني مش عامل

كأن عادي وكائي ..

ماتبعتش امبارح ببلاش

..

استنى ليه؟؟ لو هو مستناش

وش القهوة

لانا لوحدي
ولا معايا اللي بيخليني
ماعشي وحيد
حياتي زحمة وكثير
ولكن مفيش فيها جديد
ولا تغيير
باقوم م النوم انام تاني
يا اما ابوس في فنجاني
لحد ما وش القهوة بالنسبالي
كانه وريد

حظك سابقك

كل ما تبني طريق يتهد
مليون حاجز مليون سد
تفضل تسعى وتسعى وتشقى
حظك سابقك كل مكان
عمره ف يوم
مايخلف وعد

محتوى الكتاب

2	بطاقة الكتاب
3	الإهداء
4	أُمى
6	مش فلسفة
7	أنا يوم ما مت
8	إيه حصل لى
9	بعيد عنك
10	مين يهتم
11	حالة حلوه
12	إيه هايمنع
14	ديننا
16	خسرت فلوسى
17	كلامك عنى
19	نضحك
20	ليه سبتيه
21	ياسهرانيين
22	لسه حى
23	دراعينك
24	علاجى
25	تيجى نبدأ
26	الوجع فانى
28	ممنوع حضورك
30	شوفتك مع غيرى



31	 فاشوووووووش
32	 كان طبيعى
33	 استنى إيه
34	 حاولت
36	 مش فاهم
37	 حتى انت
39	 هم يومين
41	 مستنى
43	 حبيبته
44	 هدية
45	 قلبى رجلى
46	 لسه فاكر
48	 نفسى أشوفك
50	 قرار
52	 ناسيه نفسك
54	 ارجعى
55	 ماتيجى
57	 بكره
59	 لو سألوكى
61	 ماتبعديش
62	 اخسرهم
63	 بتحصل
64	 الفيلم خلص
65	 كلمة حلوه
66	 أنا بعدك
68	 مش محسوبة

69		حياه مزيفة
71		خدلك فكره
72		سؤال
74		آخر مرة
96		سيستجيب
78		صندوق أحلامى
79		ربع جنيه
80		خبر موت
81		معنى المحبة
82		هاوجعك
83		جائ أسأل
84		مشروع شهيد
85		برىء
88		قريب غريب
89		كنتى منى
90		يادوب تتلف
91		عنيكى كفاية
92		عالم افتراضى
93		بالراحة
94		ليلة قدر
96		مش كامل
97		وش القهوة
98		حظك سابقك
99		محتوى الكتاب